

■ GLOSSA

Politica tut bufatg

DA GISULA TSCHARNER, VEULDEN

La politica saja ina tgaussa Ltschuffa, din blers. Cumbat (da territorium, sco tar ils animals) tranter partidas, din auters. Marionetta da l'economia...., filz, purtgaria, manzognas ed engion insumma...., tut quai è conuschent. Surtut quels che nun han actualmain in'incumbensa u ina sutga en in uffizi/gremi public, quels cultivatechan e nutreschan la persvasiun da la catastrofialitad da la politica insumma. «Quels san ina merda...», u: «Quai faschess jau tut auter, sche...»



Sche tge? Sche Vus As met-tias forsa a disposiziun per las proximas elecziuns, naziunalas?, cirquitalas?, communalas? Cler, quai patratg er jau, per esser tut averta...., jau faschess tut in pau megler... Tge è propi «politica»? Ina concorrenza dals megliers orators u da las megras giuristas? Sco la concorrenza da Miss Svizra? Il pled «politica» cumpara mintga di en buccas e gassetta e moniturs, cunbain che paucs conuschan sia muntada.

Quest pled omnipreschent quai vegn dal grec «politikā» e vul dir: «quai che pertutga

ils burgais (gr. politikoi) e las burgaisas d'ina citad, d'in stadi, quai che promova ina convivenza ideala da sutensi e da surengu

gi e sin il medem nivel. La convivenza ideala è quella che resguarda tant sco pussaivel ils dretgs ed impuls fundamentals d'ina gruppa d'umans. Manar in cumin u in stadi è pia per definitionem insatge democratic, insatge che prenda serius las dinamicas socialas

entaifer la populaziun.

Manar glied en funcziun politica ha forsa da far cun tadlar e savurar, e quai daplì che cun empermetter e decider. Avais Vus il nas fin sco in animal selvadi? La pazienza d'in bun pedagog? Il talent d'organisar ed intermediar dad ina mamma? L'instinct segir per decider curaschusamain sco la cumandanta da pumpiers? Gea? Alura essas Vus abla, abel da sorprendere in uffizi politic. Vossa gniffa na cumpara forsa betg mintg'aur'emna sin il frontispizi da la gassetta, ma Vossa lavur porta fritgs concrets, ed ins vegn a sa regurdar gugent e ditg da Vossa perioda d'uffizi, senza glamur e cun profunditad!